



SIUMUT INATSISARTUNI ILAASORTAATITAT / LANDSTINGSGRUPPEN

Inatsisartut suleriaasianni § 36, immikkoortoq 1 naapertorlugu Naalackersuisunut apeqqutit imaatut saqqummiuppakka:

Naalackersuisunut apeqqut:

1. Maanna nalunaarutigineqareemat Tuapannguani napasuliat 4 – 7 sulisunut inigisassangortinneqartut, qanoq inissiat Namminersorlutik Oqartussani Qullersaqarfinnut, aqutsisoqarfinnut allanullu Namminersorlutik Oqartussat ataani suliffeqarfinnut agguataarneqarpat?
2. Piginneriaaseq sorleq napasuliat Tuapannguaniittuni 4 – 7-imi atorneqarpa?
3. Piginnittut aalajangersimasuuppat Tuapannguani napasuliat 4 – 7-imi?
4. aalajangersimasunik piginnittoqarpat, kikkut napasuliat 4-7-imi Tuapannguani piginnittuuppat?
5. Suna inatsit atorneqarpa siumut akiliigallarnermut qaamatit arfinillit akiliigallarnissamut?
6. inuiaqatigiinni inoqutigiit qinnuteqarnissaminnut kikkut naatsorsuutigineqarpat periarfissaqartut piumasaqaatinik naammassinnissinnaasutut Ineqarnermut-attaveqatigiinnermullu Naalackersuisup piumasaqaataannut?

(Inatsisartuni ilaasorta, Per Berthelsen Siumut)

Tunngavilersuut:

Inissiattoqqat Tuapannguaniittut isaterneqarput illorsuit nutaat arfineq marluk SIK-p isumaqatigiissutai naapertorlugit aningaasarsiallit namminneq aamma inissianik Nuummi pigisaqalersinnaanissaat angujumallugu. Taamaattumik piginneqatigiilluni inissiatileqatigiiffinnik pilersitsisoqarpoq aallaqqaataaniilli siunertaq tunngavigalugu, taamaattorli suliap ingerlanerani siunertaq tamakkiisumik piviusunngortinneqanngitsoorpoq inissiali siulliit pingasut napparneqartut tunineqarput periuseq una atorlugu:

1. Tuapannguani najugaqarsimasut, inissiattoqqat isaterneqarnerisa nalaani inissikkallarneqarsimasunut
2. Inuit Nuummi INI a/s-imi ineqareersut



SIUMUT INATSISARTUNI ILAASORTAATITAT / LANDSTINGSGRUPPEN

3. inissiat kingulliit napasuliat 1-3 – miittut qulaani taaneqanngitsunut ammaanpeqarput kikkunnut tamanut tunineqarsinnaanngorlugit

Inissiat kingulliit napasuliat 4-7 suliarineqarneranni aalajangerneqarpoq taakku Namminersorlutik Oqartussani sulisunut inigitinneqassasut, taannalu aalajangeqqasimarpasittorujussuulluni nalunaarutigineqarpoq.

Suliallu ingerlanerani Nuummi innuttaaqataasut soqutigisaqaqatigiillorput atsiortitsinernek katersisussanik, soqutigisaqaqatigiiffiup siunertaralugu Naalakkersuisut aalajangernerat piginneqatigiilluni inissiasat sulisunut inissiangortinneqarnissaat illuatungilerneqarnissaa. Atsiortitsinerit kinguneraat Naalakkersuisunut ilaasortap Jens B. Frederiksen-ip atsiornernik katersisunut nakkaannarneranik taamaasilluni inissiat 30-it napasuliat 4-7-imiittut kingullersaaniittut nalinginnaasumik inissiatut attartortinneqarsinnaanngorlugit. taamaattorli attartortunngorniarluni qinnuteqartussanut piunasaqaatit immikkut ilusilersukkat piunasaqaatigineqarput allaat attartortunngornissamulluunniit INI a/s-ip utaqquisuiniittunut inissianut 30-iusunut allatsinnissaq naammassineqarsinnaaneratt ajornangajalluinnarluni. Tassami piunasaqaataapput qinnuteqartut ukiuni kingullerni pingasuni Namminersorlutik Oqartussat inissiaataannut akiligassanik akilinngitsuukkanik peqarsimassanngitsut, attartortutut ileqqorissaarnissamut maleruagassanik unioqqutitsisoqarsimassanngitsuq, siumut qularnaveeqqutissatut akileriigassat inimi attartornermi qaammatit arfinillit siumut akilereerneqassasut taakkulu naafferarlugit akilersorneqarsinnaassanngitsut kingullertulli attartortoq piginneqatigiissutimik pisilluni piginneqataalersinnaanissaminut periarfissaqartinneqassanngitsuq.